

三代實錄

丸

和書門類	四二四九七號	一三一函	七架	二〇冊
------	--------	------	----	-----

和書類	四二四九七號	二〇冊	一三八架
內閣文庫	和書類	四二四九七號	二〇冊

内閣文庫	
番號	和 42497
冊數	20 (19)
函號	137 161



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

日本三代實錄卷第四十八

起仁和元年七月盡

左大臣從一位兼行左近衛大將藤原朝臣時季奉勅撰

秋七月癸未朔

十二日乙未遣使大和國丹生

川上兩師神奉幣黑馬祈雨也 十四日丙申西



寺獻白雀一 十九日辛丑地震近江國檢非違

使權主典前犬上郡大領從七位上犬上春吉向

太政官愁訖權醫師犬上郡少初位下神人氏岳

新盜官物於是遣判事從六位上藤原朝臣棟景

少屬從七位上讚岐朝臣勝雄等推問其事 廿



淺草文庫

五日丁未 天皇御紫宸殿觀覽相撲左右近衛

府奏樂 廿六日戊申 天皇御紫宸殿觀相撲

如昨儀 世日壬子天有青雲自東北竟西南

八月癸丑朔 四日丙辰夜有流星自南方來入

五車中其色黃白 五日丁巳釋奠 六日戊午

明經博士等奉系內裏 帝不引見賜祿而歸直

講從七位下山邊公善直講古文尚書文章生等

賦詩 十三日乙丑 勅以山城國葛野郡田邑

卿神應寺預於定額紀內親王創建此寺付屬延

曆寺僧報恩也 十五日丁卯行幸神泉苑先御

釣臺上綱所獲魚數百隻御馬場殿閱覽信濃國

貢駒喚文人賦詩預席者三十三人木工寮左右

京職各獻物日暮鸞輿還宮 十九日辛未除自

二人是日伊勢齋內親王將修禊事而典藥大屬

蜂田岑範去十一日夜於寮中頓死邪穢近添供

奉所司仍停止 廿七 己卯寅時太白順行犯

陵太微左執法又月行入太微右掖門出左掖門

廿八日庚辰 廿九日辛巳 九月壬午朔召

治部少丞紀常直木工久平遂良左京大進小野
 宏材校書郎藤原道忠等於左仗下試書迹
 二日癸未以藤原道忠為少內記加載去月二十九
 日除書 三日甲申 天皇潔齋燒燈例也 四
 日乙酉 勅以近江國高嶋郡荒廢田百五十三
 町施捨元慶寺緣彼寺座主權僧正遍昭申牒請
 也 五日丙戌 勅加興福寺維摩會藥師寺最
 勝會之義僧各一人先是兩寺申牒備件二會者
 是佛教之肝心法藏之脂粉也天下名德為之披
 映海內學侶由其挑燈今所請聽眾維摩三十人
 其十人為興福寺分寂勝二十人其五人為藥師
 寺分其餘諸寺只兩三人尋彼根源以其本寺故
 也假之物議聽眾既異諸寺之義何得同敷高較
 彼此似有踳駁望請屬此嘉運廣彼大會寺別各
 加立義一人以示本寺異於諸寺許之 七日戊
 子授常陸國從五位上羽梨神正五位下從五位
 下村上神從五位上 天皇御紫宸殿賜宴群臣
 喚文人賦詩教坊奏女樂如常儀賜綿有差 勅

御子誤
作那全
又和
三年六
月十一
日條改
正

停度山城河内和泉摂津等國江長并贊_{充係}
丁各三十人但和泉國五十人停近江國筑摩御
厨長并調丁充係丁九日庚寅重陽之節天
皇御紫宸殿賜宴群臣喚文人賦詩教坊奏女樂
如常儀賜綿有羌是日勅聽太政大臣節會日
不列群臣直昇殿十日辛卯備前國津高郡人
正七位上田使首良男貫附山城國愛宕郡十
一日壬辰不發奉伊勢太神宮幣使以典藥大属
蜂田岑範死穢未滿三十日也十三日甲午酉

時地震十四日乙未卯時地震造幕四條新緋
絶十四足六尺緋絶十四足六尺緋絲一絢生絲
二絢造幔四條斜黄絶十六足賜大學寮先是式
部省修解備大學頭從五位上兼守右少辨藤原
朝臣佐世言曰令云凡學生公私有礼事令觀儀
式又兼和十二年宣旨云車駕行幸之日官人引
文章生等陪從然則朝堂之儀公私之礼即會宴
享之日巡狩遊獵之時必須率學生縱觀陪從而
寮本无幕幔臨事多闕常成煩礙諸司之例申請

二條當奈領四百之生徒非兩幕之可容望請四
 條以為儲備太政官處分依請焉 十五日丙申
 詔曰云朕外祖父贈正一位藤原朝臣總繼
 云贈以太政大臣 十六日丁酉藤氏公卿大
 夫詣闕拜舞稱賀贈 帝外祖父太政大臣也
 是日於建禮門前大赦 十八日己亥伊勢齊內親
 王臨鴨水修禊事即便入野宮大納言正三位兼
 行右近衛大將太皇太后宮大夫藤原朝臣良世
 率參議已下奉從行事是日有野麻入大舍人寮

野 廿一日壬寅太政官下符五畿內七道諸國
 令認索流人楊雄先是楊雄犯罪配流安房國因
 宰言脫配所而逃亡楊雄者仲野親王之孫胤世
 之男也大和國漆上郡百姓從七位上相摸宿祢
 阿古麻呂從八位下相摸宿祢門主從八位上相
 摸宿祢魚麻呂等三戶男共三十一人移隸河內
 國淡河郡阿古麻呂等言曰父正六位上相摸宿
 祢仁麻呂本是大和國漆上郡八嶋鄉人也去弘

仁五年任河内大目罷秩之後居住滋川郡邑智
鄉連婚孳孔子孫繁多望請除本國籍貫附當土
詔許之 廿二日癸卯分遣使者於賀茂上下

松尾稻荷佳吉石清水高賀茂平野春日大原野

梅宮十一神社奉幣告文曰 天皇 我詔旨 掛

長岐賀茂大神乃廣前 申賜 倍申 久頃聞天皇

我御為 不祥之事可有 就事 天所示 奈有 留

如此之事 好掛畏 岐皇大神乃廣惠 依天豫防

倍物 奈利止 所念行 須故 是以 叅議正四位下行

近江權守源朝臣是忠 子卷使 天禮代 乃大

令捧持 奉出 須掛畏 岐皇大神此狀 乎平 久聞

食 天皇朝廷 乎寶位 无動 久常磐堅磐 命夜守

日守 利護 幸賜 比諸不祥事 好未然 命防除賜 此

風水之灾 不發 賜天五穀豐稔 命天下平安 命守

護賜 信恐 美恐 謹申 賜政申 餘社 告文亦復 准此

近江国正五位下新河上神並授正五位上 冬

十月壬子朔 皇帝御紫宸殿賜宴侍臣左右近

衛府通奏音樂日暮奏和琴作和歌群臣具酢極

並守行
此處旨
落字

五日一
條以類
聚固史
補之

歡而罷賜祿各有差散位從五位下良岑朝臣遠
年以吹笛被喚昇殿預非侍從辨大夫外衛佐等
例賜祿焉 五日丙辰大學寮返上修理辨貞
觀錢五十貫文去貞觀十四年所請也 六日丁
巳雨雪有虹降且陽殿西廂 八日己未授攝津
國正六位上長柄神從五位下是日 勅皇妣贈
皇太后山陵置守冢五戶外祖父贈太政大臣正
一位藤原朝臣總繼外祖母贈正一位藤原朝臣
數子墓各一戶一陵二墓並在山城國愛宕郡

後
記
補

九日庚申先是太宰府言上管肱前因自六月
雨不降七月十一日因司奉幣諸神延傳轉經十
三日夜陰雲晦合間如雨聲達明見雨粉土屑砂
交下境內水陸由苗稼草木枝葉皆悉焦枯俄然
降雨洗去塵沙枯苗更生薩摩國言同月十二日
夜曉冥衆星不見砂石如雨檢之故實類娃郡正
四位下開闢神發怒之時有如此事因事索幣奉
幣雨砂乃止八月十一日震聲如雷燒炎其燄雨
砂滿地晝而猶夜十二日自辰至子雷電砂降未

正砂石積地或處一尺已下或處五六寸已上田
 野埋瘞人民騷動至是神祇官卜云粉土之恠明
 春彼國當有災疾陰陽察占云府邊東南之神當
 遷去於隣國由是釐麻穀稼有致損耗是以下知
 府司令彼兩國奉幣部內衆神以祈冥助票十
 日辛酉律師法橋上人位玄津卒十一日壬戌令
 鑄錢司作錢機百五具其五十二具半新作五十
 二具半修理舊機十九日庚午引僧二十口於
 仁壽殿轉讀金剛般若經限以三日太宰府以武

作觀義
 不種
 類象國
 史改止

各從二
 字少類
 補

已下官人徵贖銅先是彼府年貢雅違期詔
 刑官新罪刑部省新之職制律云事有期會而違
 者一日答口三十五日加一等罪正徒一年名例律
 云因司犯公坐者長官為一等次官為一等判官
 為一等主典為一等各以所由為首其闕无所承
 之官亦依此四等為法又條云五位已上犯流罪
 以下減一等又條云七位已上犯流罪以下各從
 減一等又條云七位已上犯流罪以下各從減一
 等之例又條云應請減八位已上犯流罪已下聽

一
二
三

贖檢此等文府司領四月以前貢進而違官符
旨延及七月計其日數既過罪止仍以少貳源朝
臣精御室朝臣安常為第二從杖一百並帶從五
位上請減一等各杖九十合贖銅九斤大監平高
平少監多治有友為第三從杖九十高平帶正六
位上例減一等杖八十合贖銅八斤有友帶正八
位上合贖銅九斤少典清科全棟帶從七位上例
減一等杖七十合贖銅七斤豐井安基帶正八位
下合贖銅八斤 廿日辛未是日大唐高貴人着

入京府是日下知府司禁王臣家使及管內吏民

私以貴直競買他物 廿一日壬申雷二三聲不

雨美濃因多藝郡太領外從七位上刑部連春雄

犯罪為其父所告春雄亦為父不孝仍付因案令

推斷 廿二日癸酉仁壽殿轉經事畢 詔以權

僧正法印大和尚位遍照為僧正少僧都法眼和

尚位平恩為大僧都權少僧都法眼和尚位真然

律師法橋上人位源仁為少僧都權律師法橋上

人位隆海權律師法橋上人位房忠並為律師

本朝
字少類
用國史

廿三日甲戌 天皇御紫宸殿右近衛右衛門右
 兵衛三府并右馬寮獻物是去五月六日武德殿
 前競走馬之輸物也諸主及太政大臣已下出居
 侍從已上侍殿上奏音樂種上散樂日暮親王已
 下降殿於玉階前奏神樂歌儂極歡喚諸衛官人
 內堅等能歌者預之賜次侍從已上祿各有差
 廿五日丙子酉時有流星自西南行東北 十一
 月辛巳朔日有蝕之 六日丙戌 天皇御射殿

太政大臣獻物親王公卿並侍及于日暮結廂賭
 射太政大臣獻新錢四十貫為賭物酒酣 皇帝
 御衣一襲賜太政大臣拜舞起坐脫却常服着御
 衣入就座譙樂畢景夜分方罷 七日丁亥天皇

太后令旨減折所司所供年祈御服御膳等雜物
 每色有數焉 十日庚寅左近衛左衛門左兵衛
 等府所送釋奠祭牲其一應送進鮮牲事檢太政
 官去延曆十二年五月十一日格云祭禮之事潔
 淨為本又割特體明在禮法然而頃年諸國進特
 既以割穢供禮潔與多市禮制須並用全躰令進

天皇
 御
 手
 書

祭庭一依礼法割鮮升供式云三牲各加五藏六
 衛府別各一頭供之今案延曆格所以令全解供
 者次取其新合其礼法也而式文曰各加五藏即
 是解解可知雖全解解前後各異而至于潔清
 新鮮是古今不易之法也而諸衛牲齋臭尤甚弄
 而不用可匪常祀忍而供之恐乖礼制祭礼之正
 道鮮潔為先宜嚴下新制令合礼法其一應定牲
 代魚色事式云享日在諸祭之前及與祭相當停
 用三牲及兔代以鮮魚而今諸衛所進代牲物或
 魚或果子所送非一根任人意宜令六府送鮮
 鯉鮮鯉者也其三應停六府送兔輪轉令送乾兔
 二頭事式云三牲及兔六衛府各一頭供之又云
 豆實兔醢五合今檢先聖先師獨供兔醢其餘不
 供之加以造醢之法先乾其肉百日即成謂之乾
 豆者是取其義也而今諸衛府祭一日之夕送鮮
 兔夜中造醢豈合礼意自今以後潔淨乾曝先祭
 三月送大膳職依礼令造其送致之次左邊為一
 番餘府依次輪轉終而更始此則豆實合礼衛府

省煩先是大學寮申請改行此事至是許之右近
 衛府近衛從七位下刈田首貴多雄過失傷同府
 府生多春野刑部省斷罪云准律合徵贖銅可入
 彼傷家十七日丁酉以帝龍潛時在畿内外
 國水陸田地皆為勅旨由下符諸國知讚岐國
 大内郡人正六位上行右少史兼明法博士凡直
 春宗男女九人改居貫附右京三條坊廿日庚
 子天皇御大極殿遣使者於伊勢太神宮奉幣
 是夜流星出自心前星貫心大星入天江廿一

日辛丑是日勅遣散位從六位上大中臣朝臣
 罕雄判官一人主典一人造伊勢太神宮據式二
 十年一度改作去貞觀十一年修造其後十八年
 于茲矣去六月二十一日出羽國秋田城中及飽
 海郡神宮寺西濱兩石鏃陰陽寮言當有凶秋陰
 謀兵亂之事神祇官言彼國飽海郡大物忌神月
 山神田川郡田豆佐乃賣神俱成此恠崇在不敬
 勅令國宰恭祀諸神兼慎警廿二日壬寅鎮
 魂祭如常廿三日癸卯夜天皇御神嘉殿親

供新嘗祭如常 廿四日甲辰 天皇御紫宸殿

賜宴群臣奏大歌五節舞如常儀賜綿絹各有差

廿六日丙午夜有大流星出自東中甲指天中

丙行三丈沒以尋度推之出自紫微宮入天市垣

中躰如大塔色赤白有光 廿七日丁未授更衣

從五位下藤原朝臣元子從五位上 十二月辛亥

朔 天皇御紫宸殿視六府番奏如常儀 四日甲

寅先是大外記大藏朝臣善行修解申請備大和

國靈驗山寺有長谷壘坂丙精舍並有燈分稻付

國司出舉但至于嶋山寺元其靈驗彼兩寺之亞

也而未有燈分照曉夜者星月而已望請以稻四

百束付之國宰加舉正統送利稻於寺家為長明

燈之資至是 詔許之 六日丙辰勅分遣使

者於山城大和河內和泉攝津等國令春宮田權

稻并地子之直運送京師 七日丁巳 天皇幸

神泉苑放鷹集拂水禽 十一日辛酉月次神會

食祭如常昨日內裏有大產之穢由是 天皇不

御神嘉殿親主公卿向神祇官行事正五位下行

大學博士善淵朝臣永貞卒永貞者左京人也本
姓名六人部福貞美濃國人揚名宦達改姓善淵
名永貞貫附京兆也年七十二卒於官 十二日
壬戌左大臣及參議正四位下源朝臣直於左仗
下定荷前使并元日大極殿侍從十一月可行此
事延而至今緩也蓋是經營行幸之事歟 十五
日乙丑山城國葛野郡人大膳少進正六位上秦
忌寸氏立父子六人改本居貫附左京四條二坊

十八日戊辰延僧正法印大和尚位遍照於二

壽殿申曲宴遍照今年始滿七十 天皇慶賀與徹

夜談賞太政大臣左右大臣預席蒙 十九日已

己於仁壽殿始修佛名懺悔之事限三日訖 廿

日庚午 天皇御建礼門班荷前幣諸山陵墓如

常儀已時天東南有聲如高樓壞落夜分地震有

聲如雷 廿一日辛未除免伊勢備前兩國百姓

去年庸以供太嘗事多費也其卜食郡免田租諸

國神社封戶庸物宛正稅穀悉 廿二日壬申下

從四位下行信濃守攝朝臣良基於刑部省令推

斷其罪先是彼國百姓辛大其秋子向官愁訴為
 久被行火燒已居宅并燒殺家人男女八人詔
 遣少監物正六位上布勢朝臣敏行推問其事還
 奏守良基對捍不聽其事故縱詔使所禁之罪
 人惡廿三日癸酉先是右京人散位從七位下
 大石忌寸福麻呂私離官印捺偽官符賣官地
 穀百五十斛欺取其直左兵衛阿乃澤雄錢十一
 貫文左衛門門部園部禪師麻呂錢六貫文刑部
 省新云福麻呂離官印捺偽官符其罪當近流欺
 取直錢當遠流相准輕重雖有遠近至減一等俱
 是徒三年也所犯在降前又減一等徒二年半以
 從七位下當徒一年又以正八位上當徒一年餘
 半年徒官當不盡其官由官可收贖銅十斤仍須
 一年之後降先位一等叙正八位上又備前因上
 道郡人白丁山吉直同郡人白丁秦春貞闕殺讚
 岐國鷄足郡人宗我部秀直同郡人建部秋雄等
 正五位下行權守源朝臣加斷罪以吉直為首處
 絞刑春貞為從合徒三年又謀首筑後掾從八位

九字下
無字下
不字下
類字
國史補

上藤原朝臣近成從少目從七位上建部公貞道
 左京人大宅朝臣宗永蔭子无位在原朝臣連枝
 蔭孫大初位下大秦公宿祢宗吉同謀无加功蔭
 正六位上清原真人利蔭无位藤原朝臣宗扶
 醫師少初位上日下部廣君白下八多朝臣久
 吉岑同謀不行前據正六位上藤原朝臣武園左
 京人大宅朝臣近直等率數十人夜圍守從五位
 上都朝臣御酒館射殺御酒館詔遣彈正少弼從
 五位下安倍朝臣肱主等於太宰府推問事由刑
 部省處近成斬刑貞道官當除名宗永年七十贖
 銅百斤連枝宗吉二人並近流利蔭官當除名宗
 扶久吉岑二人並近流廣君處斬刑武園除名近
 直徒三年府司大監正六位上平朝臣高平大典
 正七位上秦忌寸末吉從七位下御船宿祢貞範
 少典正八位下清科朝臣全棟等追捕罪人携掠
 違法放免自由刑部省節級處罪贖銅有差是日
 太政官奏聞詔曰死罪宜減一等處之遠流自
 餘依省新焉廿五日乙亥太政大臣今年始滿

五十之筭。帝於內殿命宴賀之杯案精華絲竹
 間奏促席談飲通夜極歡贈賚左右馬寮善馬五
 疋夏冬衣裳五襲具屏風等有數又贈度僧五
 十人以修善祝筭也。廿六日丙子。天皇御建
 禮門分遣使者於諸山陵墓獻荷前幣。廿七日
 丁丑西京二條失火延燒二百餘家。廿九日巳
 卯授紀伊國正六位上浦上國津姬神從五位下
 節婦加賀國加賀郡大野鄉人道今古授位二階
 免戶內田租表其明閭以旌貞節也今古生年十
 三適故前加賀權掾大神高名經二十餘年高名
 身死今古廬于墳側歷年不去哭泣之聲日夜不
 斷今古母箭集清河子年二十一始適於人其夫
 死後不更再醮全守一節齡七十六終於室內母
 子繼踵貞潔无虧焉尾張國春部郡大領外正六
 位上尾張宿祢弟廣男安文安鄉二人始自中男
 迄于不課惣計課役進調庸物安文年十六調絹
 十疋七尺五寸庸米十二斛一斗五升中男作物
 油二升介合儀分商布百五十二段安鄉年十五

八十八

五十六

調庸係分同之先是弟廣申請自為郡領二十餘
年于茲矣僅有二男曾无一藝編戶云民无地息
肩骨肉云情不勝叙淚望請在前進納特免後役
詔許之陽成院舍人二十人工部十人准清
和院例預于勳籍廿日庚辰朱萑門前大赦并
追儻如常

日本三代實錄卷第四十八終

日本三代實錄卷第四十九起仁和二年正月

左大臣從二位兼行左近衛大將臣藤原朝臣時平等奉勅撰
二年丙午春正月辛巳朔 天皇御大極殿受朝
賀如常儀禮畢御紫宸殿賜宴侍臣雅樂寮奏樂
賜五位已上被ニカシキキ 二日壬午太政大臣第六之男
時平於仁壽殿加元服于時年十六 帝自手取
冠ヲ如其首令主殿助從五位下藤原朝臣末直ヲ理
鬢即日授時平正五位下其告身 天皇后親筆書
黃紙以賜之 勅參議左大辨從四位上兼行勘

卷五以下十五字脫以類聚國史補

國史改發類聚

解由長官文章博士攝朝臣廣相作告身文其所
 須冠巾皆足服御之物也公卿大夫會太政大臣
 職院直廬稱賀宴飲雅樂寮奉音樂賜五位已上
 祿各有差 七日丁亥 天皇御紫宸殿賜宴群
 臣觀覽青馬奏女樂賜祿如常儀授五位是行王
 兼覽王並從四位下无位幸世王從五位下從四
 位上守大藏卿源朝臣定有正四位下右京大夫
 從四位下源朝臣至左馬頭藤原朝臣利基无位
 源朝臣因紀並從四位上正四位下行太皇太后
 宮權亮平朝臣惟範右近衛少將藤原朝臣清
 並從四位下從五位上守右近衛少將源朝臣湛
 肥後守藤原朝臣時長並正五位下中務少輔從
 五位下在原朝臣弘景散位藤原朝臣繼蔭並從
 五位上散位外從五位下刑部直弘世清江宿禰
 貞直正六位上源朝臣朝憲式部大丞從六位上
 大江朝臣玉淵散位橘朝臣清樹內藏助從七位
 下藤原朝臣高階左近衛將監正六位上藤原朝
 臣是蔭諸陵權助藏原朝臣內直太皇太后宮少

本册石
上並三
字以類
聚國史
補

進藤原朝臣是世散位從七位上石上朝臣並松
坂上大宿祢良宗主殿權乞御春日朝臣有世並
從五位下直講從七位下山邊公善直大外記正
六位上高丘宿祢五常左大史大神朝臣良臣皇
太后宮大屬清科朝臣良行侍醫兼針博士阿比
古氏雄並外從五位下 八日戊子於大極殿始
講取勝王經以興福寺僧法相宗傳燈大法師位
榮仁為講師 天皇御大極殿聽講經授左衛門

大尉正六位上清原真人令望從五位下无位散
子女王從四位下无位平朝臣等子正五位下從
五位下山背忌寸大海全子无位藤原朝臣伴子
並從五位上无位藤原朝臣羊子平朝臣靜子伴
宿祢宗子大原真人信子八多朝臣清子並從五
位下正六位上壬生臣金子外從五位下 九日
己丑授无位源朝臣連子從四位上 十一日辛
卯 天皇御紫宸殿所司獻剛卯杖如常儀 十
四日甲午大極殿齊講事畢僧綱引有智僧等奉
案內裏論義如常賜被 十六日丙申踏歌之節

天皇御紫宸殿宴于侍臣宮人踏歌賜祿如常
 是日以大學頭從五位上兼守右少辨藤原朝臣
 佐世為左少辨大學頭如故從五位下守右衛門
 權佐源朝臣希為右少辨從五位上行伊豫介善
 淵朝臣愛成為大學博士散位正五位下藤原朝
 臣忠主為民部大輔從五位下行大內記菅原朝
 臣惟肖為勘解由次官散位從五位下小野朝臣
 千里為山城介從五位上安倍朝臣宗行為河內
 守從五位下八多朝臣清直為伊賀守從五位下

橘朝臣高庭為駿河介參議正四位下行左近
 中將兼肥後權守藤原朝臣有實為近江權守中
 將如故散位從五位下山口朝臣連松為下野介
 正五位下守右中辨安倍朝臣清行為陸奥守散
 位從五位下紀朝臣益國為介從五位下大春日
 朝臣安永為加賀守左京權亮從五位下藤原朝
 臣高尚為越中介散位從五位下有名王為伯耆
 守從四位上源朝臣舊賢為備前守彈正少弼從
 五位下安倍朝臣肱王為安藝守散位從五位下

小野朝臣當岑為周防守從四位下藤原朝臣直
 方為阿波權守從四位下行阿波權守平朝臣正
 範為讚岐權守從五位上行式部少輔兼文章博
 士加賀權守菅原朝臣道真為讚岐守散位從五
 位下葛江我孫良伴為伊豫介外從五位下大外
 高直宿祢五常為筑後介外從五位下行左大
 大神朝臣良臣為肥後介從四位上行左馬頭
 藤原朝臣門宗為肥後權守右馬頭如故從五位
 下行式部大丞大江朝臣玉淵為日向守散位從
 五位下御春日朝臣種實為鎮守將軍 十七日

丁酉 天皇御建禮門觀射禮親王已下五位已
 上先射然後諸衛依次射 十八日戊戌 帝
 御射殿覽四府賭射日暮 帝射 詔令公卿已
 下射之 廿日庚子太政大臣獻物飯六十醴酒
 六十缶魚六十缶菜六十缶納衣物鞞櫃二十合
 置陳於仁壽殿東庭供御器物金銀華美絲竹備
 奏 清和太上天皇第八皇子貞教親王及四位
 已上童卯者十許人在前教習是日出舞群臣歡

神皇正統記
卷四十九
三州實錄

洽通宵樂誠賀正五位下藤原朝臣時平加冠拜
爵也宴罷之後賜時平御衣一襲 廿一日辛丑

內宴奏女樂喚文人賦詩如常賜綿有美是日

勅聽貞教親王舞散手其舞裝束帶劍故持賜之

親王時年十二歲 廿八日戊申申時日右有珥

廿九日己酉太宰府例貢小柑子以十一月三

十日以前為貢進之期先是不立斯限故今定之

二月辛亥朔 三日癸丑左右大臣奉 勅於

左仗下召問拜除之後未赴任史撰津守從五位

上多治真人藤善伊勢守從五位上藤原朝臣繼

蔭甲斐守從五位下藤原朝臣當興安房守正六

位上當摩真人安氏上總介從五位上小野朝臣

国梁隱岐守正六位上伴宿祢有世紀伊守從五

位下伴宿祢春雄肥後守正五位下藤原朝臣時

長登後守從五位下攝朝臣長茂對馬守正六位

一經朝臣經業等不進發之狀或誤發期或謝依

病淹留之由 四日甲寅祈年祭如常 五日乙

卯大原野祭如常是日辰時日上有冠左右成珥

七日丁巳釋奠如常從五位下行助教兼越前
 介淨野朝臣宮雄發論語題文章生學生等賦詩
 如常 十日庚申春日祭如常 十一日辛酉左
 右大臣已下就太政官曹司廳列見文武官主典
 已上成選之人也 十四日甲子辰時日有冠纓
 其色黃白日即宿奎 十五日乙丑國韓神祭如
 常新鑄銅印一賜備中國採銅使 勅始自今年
 正月以大藏省錢四千文每月令送內膳司以充

供御菜粕 十六日丙寅 勅遣越前權介從五

位下藤原朝臣恒泉於遠江國雅樂頭從五位下

在原朝臣棟梁於備中國並查鷹鷄拂取野鳥

廿日庚午山城國山崎津頭失火ミツナカレ延燒居民廬舍

數十字 廿一日辛未以從四位下行權左中辨

兼近江權介藤原朝臣遠經為左中辨權介如故

左近衛少將正五位下兼行備前權介藤原朝臣

有德為右中辨餘官如故侍從從五位下源朝臣

唱為中務少輔散位從四位下源朝臣知為侍從

從五位上行皇太后宮大進菅野朝臣直臣為亮

少進從五位下藤原朝臣常淵為大進散位從五
 位下小野朝臣喬木為圖書頭大學頭從五位上
 兼守左少辨藤原朝臣佐世為式部少輔左少辨
 如故散位從五位下藤原朝臣弥蔭為大學頭外
 從五位下行直講山邊公善直為助教散位從五
 位下伴宿祢忠行為刑部少輔從四位下行讚岐
 權守平朝臣正範為木工頭本官如故從五位下
 今杖王為內膳正散位從五位下橘朝臣清樹為
 彈正少弼從五位下行助教兼越前介淨野朝臣
 宮雄為左京權亮周防守從五位下小野朝臣當
 岑為鑄錢司長官周防守如故從五位下行駿河
 介橘朝臣高庭為山城介散位從五位下三嶋真
 人宗主為大和權介從五位下行山城介小野朝
 臣千里為伊勢權介散位從五位下坂上大宿祢
 岑為參河權介從四位上源朝臣平為相模權
 守下野守從五位下源朝臣道為信濃權守從五
 位下行助教中原朝臣月雄為越前介助教如故
 散位從四位上源朝臣興範為丹波權守從五位

上安倍朝臣三寅為因幡權守從五位下行主殿
助藤原朝臣末並為播磨大掾勘解由次官從五
位下管野朝臣惟肖為權大掾並本官如故圖書
頭從五位上佐伯宿禰子房為備後權守散位從
五位下源朝臣當元為紀伊權介外從五位下行
筑後介高五宿禰五常為介從五位下行內藏權
助高階真人忠岑為讚岐權介外從五位下行肥
前介大神朝臣良臣為豐後介從五位上行左兵
衛左源朝臣昇為左衛門權左中務少輔從五位
上在原朝臣弘景為右衛門權佐 廿七日丁丑

太上天皇遣參議正四位下行左近衛中將兼
肥後權守藤原朝臣有實奏還六府官人舍人等
帝不奉命即使奉還先遣六衛府官人以下為
太上天皇宮衛今還舊府謙也 三月庚辰朔
二日辛巳 天皇聖體不豫 三日壬午停御
齋奉燈之事 五日甲申 帝近日聖體乖和是
日平復 八日丁亥大風雨電 十三日壬辰暴
風雷雨東寺新造塔火時人謂雷火也 十四日

癸巳賜僧正法印大和尚位遍照食邑百戶聽駕
 輦車出入宮門即勅曰惟公慈化為性保護朕
 躬下朝一夕賴其普道朕所以身膺鴻業至于今
 日豈非公潛衛之力自然冥致耶况公之未及落
 饒朕之始在列藩惟相結恩於中表及其禪律
 交養揚為僧正外認俗務內宗梵行者亦有日矣
 朕俯惟同塵之契遠感利國之誠念其酬責无忘
 寤寐今別割百戶之封供其禪門之費亦聽駕輦
 車出入宮門留篤情於杖屨加隆遇於坐禪吁嗟
 至人懸解上德難名雖物外浮榮知非公好而个
 間崇飭聊寄朕懷義在忘言指不多及朕之審誠
 公宜悉之耳 廿一日庚子地震 廿五日甲辰
 勅梵釋寺以十禪師二人供新為別當一人供
 料為恒例 夏四月庚戌朔 天皇御紫宸殿宴
 于侍臣左右近衛府迎奏音樂賜禮有差是日
 詔以正五位下藤原朝臣時平為次侍從 三日
 壬子 勅令雲林院每年三月二十一日仁明天
 皇忌日轉四卷金光明經安居一夏之間講妙法

三才寶金卷四十九

蓮華經先是僧正遍昭奏言雲林院是仁明天皇
 之第七皇子常康親王舊居也初親王出家之後
 去貞觀十一年二月十六日親王付屬於遍昭云
 仁明天皇仙化之後賜以此院常康剔除頭髮歸
 依佛理修練功淺未報萬一故捨此院永為精舍
 欲傳天台之教報先皇之恩若委非其人道則不
 行付得其人業將弥盛今制田園資財永以付屬
 者伏尋親王素意深於報恩志在天台望請為元
 慶寺別院但院中雜事擇遍昭門徒中堪事者永
 令勾當田園有數丈用不妄望每季三月二十一
 日先皇忌日演四卷金光明經安居九旬之間講
 妙法蓮華經若非勅許恐有斷絕至是許之是
 日本工寮仕下立縫衣麻呂於東宮南門樹下以
 刀子刺殺同僚刑部貞雄捉衣麻呂下於獄四
 日癸丑廣瀨龍田祭如常五日甲寅以從五位
 下守右少辨源朝臣希為齋院長官右少辨如故
 六日乙卯大祓於建禮門前以去三日有人死
 穢也七日丙辰式部兵部兩省奏擬階文天

皇不御紫宸殿。勅於省家令行其事。是日有大鳥集於參議正四位下行左大辨藤原朝臣山陰辨官曹司前為人所射獲。八日丁巳於仁壽殿灌佛如常。十一日庚申平野祭如常。十二日辛酉梅宮祭如常。十三日壬戌大地震。十四日癸亥是夜自子至丑月黑无光寅時自下端稍成光。十五日甲子公卿於太政官曹司廳授文武官威選位記辨大史宣制式部兵部從事並如常式。十七日丙寅令出羽國慎警固去二月出羽國飽海郡諸神社邊雨石鏃陰陽察占云宜警兵賊由是預戒不虞。十八日丁卯此日天氣陰寒人着綿衣。是日天顏清朗有溫氣。廿日己巳式部省奏銓擬郡司簿。天皇不臨御右大臣奉勅於近仗下令式部少輔從五位上藤原朝臣佐世讀之大臣下筆點定後奏。是日雷雨諸衛陳於殿前有路女避雨隱立東京三條前近江大目基助範宅忽然震死。廿三日壬申諸衛警固緣賀茂祭也。廿四日癸酉賀茂祭如常。廿五日

甲戌諸衛解嚴 廿七日丙子 天皇御武德殿

閱覽諸牧御馬 五月己卯朔日有蝕之 五日

癸未端午之節 天皇御武德殿觀四府騎射親

王已下五位已上貢馬 六日甲申 天皇御武

德殿觀覽左右馬寮競走馬及四府種々馬藝

十日戊子自去七日大雨河水漲溢人馬不通

十二日庚寅先是石見國遠摩郡大領外正八位

上伊福部直安道那賀郡大領外正六位下久米

岑雄等發百姓二百十七人帶兵大圍守從五位

下上毛野朝臣氏永奪取印匙驛鈴等授傍吏

詔遣式部大丞正六位上坂上大宿祢茂樹推問

事由刑部省斷云安道應官解任當徒二年贖銅

十斤岑雄應贖銅九斤自餘人節級處罪延曆寺

僧一道右京人在六位上藤原朝臣豐基戶口俗

名教直與安道同謀還俗當徒一年又守氏永為

安道等所圍之時逃隱於介外從五位下忍海山

下氏則館夜聞外有數十人聲氏永意以為賊欲

被害介氏則即同謀也由是以劔毆傷氏則妻下

新寶錄卷四十九

依字以類聚國史補

毛野屎子及從女大田部西子即奪取屎子所着
之大衣一領自被逃去刑部省斷云依律所犯當
近流身帶從五位下請減一等徒三年以從五位
下當徒二年餘徒一年以六位以下當徒一年仍
即解見任職事又氏永毆傷氏則妻之後逃走隱
山中掾從七位下大野朝臣安雄率郡司百姓三
十七人捉獲氏永打縛其身籠閉倉中刑部省斷
云安雄應官解任當徒一年所率郡司百姓節級
處斷去年十月四日刑部省斷文進太政官十二
月二十七日外記覆勘作論奏請公卿署而正三
位行中納言兼民部卿陸奧出羽按察使在原朝
臣行平所執狀四條參議右大辨從四位上兼行
勘解由長官文章博士橘朝臣廣相所執狀七條
並別奏不肯連名其所執狀事多不載二卿別執
迹不省至是加署即日奏聞詔曰宜依省斷
十五日癸巳勅遣左衛門權佐從五位下源朝
臣昇六位下人檢近江國新通阿須波道之利害
十六日甲午公卿就太政官曹司廳任諸國銓

三十一實錄卷之十九

擬郡司宣制如常 十八日丙申授无位在世王
 從四位下于時在世為伊勢齊内親王家別當也
 是日 勅肥後守正五位下藤原朝臣時長攝津
 守從五位上多治真人藤善豐後守從五位下橘
 朝臣長茂甲斐守從五位下藤原朝臣當興等四
 人並降一階下知左右京職追其苦身時長等拜
 官經年不赴任國仍有此 勅断也 廿一日已
 亥 勅以近江國米百斛施捨延曆寺 廿三日

辛丑大兩夜有流星出自約陳歷内皆入文昌第
 一二星間色青有光 廿六日甲辰降雨天東南

有聲如雷是日山城国石清水八幡大菩薩宮自
 鳴如擊鼓聲南樓鳴如風波相激成聲經數刻而
 不停神祇官卜云大菩薩心有祈願陰陽寮占云
 可警兵事 廿八日丙午前周防守從五位上紀
 朝臣安雄卒安雄者左京人助教從五位下穆繼
 之子也仁明天皇崇經術屢引儒士於前論難于
 時御船宿祢氏主為大學博士種繼為助教 天
 皇喚兩人合論經義氏主執礼種繼舉傳進擊往

復遂无折角當此之時膂力之士左近衛阿乃根
繼右近衛伴氏長並相撲最手天下無雙 帝號
氏主為氏長種繼為根繼以戲之安雄父本姓蒯
田讚岐國人至于安雄賜姓紀朝臣為京兆人安
雄幼以學行見稱性寬綽柔順訓物始補得業生
天安二年為大學直講貞觀初渤海國王遣使朝
聘以安雄為存問兼領客使五年授外從五位下
九年授從五位下轉助教此時有勅擇有識公
卿大夫撰格式安雄預之十一年遷為勘解由次
官兼下野介十六年加從五位上十八年遷為主
計頭明年出為武藏守政責簡惠吏民安之秩滿
堅元慶六年除鑄錢長官兼周防守聲績載於
武藏景安雄專精經業頗閑詞華重陽之節徵接
文人來時年六十五 廿日戊申以散位從四位
下在世王為齊宮頭從五位下坂上大宿祢良助
為近江大掾良助元慶八年任母憂去職 詔以
本官赴之 六月己酉朔 七日乙卯下知陸奥
出羽兩國太宰府令慎警固縁石清水菩薩宮樓

鳴之恠也 勅唐僧湛誓供新日白米三升二合

鹽三合味醬二合淳醬二合醬一合海藻二兩滑

海藻二兩節新白米十斛每季五月十二日以近

江國正稅充之 十一日己未月次祭公卿向神

祇官行事夜 天皇御神嘉殿親供神今食祭

十三日辛酉 勅授參議正四位下行左大辨藤

原朝臣山陰從三位拜中納言正四位下行右近

衛中將源朝臣直為參議參議右大辨從四位上

兼行勅解由長官文章博士橘朝臣廣相為左大

辨餘官如故從四位下行左中辨兼近江權介藤

原朝臣遠經為右大辨從五位下行越前權介藤

原朝臣恒泉為侍從散位從五位下良岑朝臣遠

年為雅樂頭從五位上守刑部大輔小野朝臣俊

生為攝津守從五位上守大判事平朝臣任世為

甲斐守散位從五位下山口朝臣連松為武藏介

從五位下行主殿助兼播磨掾藤原朝臣末並為

備前介主殿助如故石見權守藤原朝臣氏江為

正守散位正五位下源朝臣淵為豐後守從五位

上行左兵衛權佐藤原朝臣敏行為右近衛少將
 從五位下守雅樂頭在原朝臣棟梁為左兵衛佐
 散位從五位下源朝臣忠相為右兵衛權佐自今
 月朔霖兩京師亂開倉庫賑之 十四日壬戌僧
 正法印大和尚位通昭抗表辭封邑有 勅不許
 焉 十五日癸亥地大震 十八日丙寅分遣使
 者於九箇寺轉讀大般若經其供新東大寺元興
 寺興福寺藥師寺延曆寺各新錢五貫文西大寺
 法華寺大安寺各四貫文法隆寺三貫文每寺供
 名香多少有數以左右衛門府生左右馬寮史生
 元使先是天文博士從八位下中臣志斐連廣守
 奏言近窺天變奉為 天皇見不祥之氣是故修
 此善焉 十九日丁卯以左近衛少將正五位下
 兼守右中辨行備前權介藤原朝臣有總為左中
 辨近衛少將備前權介如故從五位上守左近衛
 權少將平朝臣季長為右中辨信濃守從五位下
 源朝臣道為侍從散位從五位下清江宿祢貞直
 為圖書頭從五位下小野朝臣喬木為刑部大輔

從五位下藤原朝臣世文為宮内少輔從五位上
 藤原朝臣貞高為山城權介從五位下巨勢朝臣
 御津為下野介從五位下春岳真人冬道為越前
 介從五位下布勢朝臣真繼為安藝介從五位下
 源朝臣宥為長門介從五位下行助教中原朝臣
 月雄為讚岐權掾助教如故從五位上藤原朝臣
 是行為肥後守從四位下行木工頭兼讚岐權守
 平朝臣正範為右近衛中將餘官如故是日不雨
 勅賜傳燈大法師位賢雲近江國正統紹

四百束 廿日戊辰 勅以清和院稻一千束直

新錢二十貫文付山城國加舉正統收其息利宛
 圓覺寺長明燈料先是清和院申牒偶圓覺寺是
 先太上天皇始於落饑終於登遐之地也南北
 二堂莊嚴佛像定十口僧供給齋飯皆是 先皇
 御願也去元慶五年三月十三日 詔列於官寺
 議而明燈未供暗夜難照望請准安祥寺例以稻
 一千束付國司每年出舉請其息利於近寺愛宕
 郡充常燈分至是許之 廿一日己巳伊勢齋內

親王應取近江國新道入於太神宮仍下知伊勢國又停伊賀國舊路頓宮下知伊賀國 廿三日辛未任伊勢齊內親王裝束司正五位下行神祇大副大中臣朝臣有本左近衛少將正五位下兼守左中辨行備前權介藤原朝臣有穗六位已下六人 廿五日癸酉任相撲司以中納言從三位兼左衛門督源朝臣能有參議正四位下行左兵衛督源朝臣光參議正四位下行皇太后宮大夫兼播磨守藤原朝臣國經參議正四位下左近衛中將兼近江權守藤原朝臣有實參議正四位下行近江守源朝臣是忠正四位下行左近衛權中將兼備前守源朝臣興基從四位上行美濃守源朝臣貞恒從五位上守左近衛少將兼讚岐介藤原朝臣高藤左衛門權佐從五位上源朝臣昇從五位上守左少辨兼行式部少輔藤原朝臣佐世左近衛權佐從五位下藤原朝臣恒興從五位下行左馬助藤原朝臣連並十二人為左司正三位行中納言兼民部卿陸奧出羽按察使在原朝臣

行平參議正四位下行右兵衛督兼伊豫權守源
 朝臣冷參議正四位下源朝臣直參議正四位下
 行右衛門督藤原朝臣諸葛大藏卿正四位下源
 朝臣定有散位從四位上源朝臣是負右近衛中
 將從四位下兼行木工頭讚岐權守平朝臣正範
 右近衛少將正五位下兼行越中守源朝臣湛右
 衛門佐從五位上平朝臣季式從五位上守右兵
 衛佐源朝臣元從五位下行右馬助在原朝臣載
 春齋院長官從五位下兼守右少辨源朝臣希十
 二人為右司左右大臣己下於左伏下先議定差
 外記參議等向太政大臣里第視之其後賜中務
 省於外記候廳拜除即時左右司各就左右衛門
 府始行事承前之例始行事之時合發音樂而皇
 妣贈太皇太后忌當今日仍隨停止 廿六
 日甲戌 勅以三品行中務卿負保親王為右相
 撲司別當去元慶八年以二品行式部卿本康親
 王為左相撲司別當今不改 廿八日丙子授常
 陸國正六位上鄉造神從五位下 廿九日丁丑

晦大枝於朱雀門前如常是日三品紀伊內親王
 薨不任綵葬之所司以喪家固辭也 皇帝不視
 事三日內親王者桓武天皇之第十五女也母從
 四位下藤原朝臣河子從四位上大繼之女內親
 王與仲野親王同產也天長元年春授四品仁和
 之初進三品薨時年八十八 秋七月戊寅朔
 三日庚辰自在相撲司緣贈皇太后忌日及內親
 王薨未發音樂之聲是日始發焉 勅參議已上
 就聽座聽政者外記須每日記錄每月一日十六

日丙度進藏人所 四日辛己廣瀨龍田祭如常
 是日僧由蓮卒由蓮俗姓源朝臣嵯峨太上天皇
 之子也母惟良氏由蓮在俗名勝夙離塵累歸依
 佛道性聰明多涉內典兼好老莊尤有功德所作
 究妙焉 五日壬午 勅宛延曆寺西塔院釋迦
 佛夜長明燈油每日二合但正月十四日箇日每
 日一升僧五口供新每日白米各四升合割近
 江國正稅稻一萬五千束出舉用其息利若有未
 納以正稅稻充其供新其燈油以米交易歲初惣

不作為
工作延
稱作撰
今以改
桑路能

送其用途并算數副稅帳言上長官勾當國司通
祗濟自今以後立為恒式先是院主傳燈大法師
位延巖奏言故先師贈法印大和尚位寂澄創建
此寺鎮護國家造樂師佛像安置東塔院造釋迦
佛像安置西塔院並充住持之主師為傳法之本
每日長講法華仁王金光明等經奉誓國主廻向
亭土次師座主傳燈大法師位圓澄受先師之付
屬掌西塔之佛事延巖謬以非器忝繼末塵幸從
聖主龍濟之時損辰恩慈賜令止侍修構佛殿得

禦風雨自非

眷顧何能如此伏望置僧五人畫

別轉讀御願大般若經夜則念誦釋迦佛名真言
五僧衣供准定心院被官宛補以為永例至是許
之七日甲申源朝臣寂子卒今上之女也
上不視事三日十五日壬辰山城守從五位上
興我王男安平篤行有本内行潔姬等五人賜姓
平朝臣以山城國紀伊郡官田七段百二十步給
右京人正六位上行右少史兼明法博士九直春
家等六人口分廿二日己亥律師法橋上人位

隆海卒隆海俗姓清海真人氏左京人也生於攝
津國家在河上漁捕為業隆海年甫數歲從漁父
出遊水上當國講師藥圓見而異之共載而歸久
之藥圓付屬律師願曉令受三論宗義年二十奉
年分試是時監試法俗相議令諸宗學徒互相難
問取其拔萃者為得第隆海詞致清遠眾不敢流
覽試官人評議擢為中科律師中繼感其神悟授
以法相宗義承和二年受具足戒詣平城第三皇
子法名真如受真言法負觀十一年為大和國講
師十六年為維摩會講師諸宗僧相分碩學論難
鋒起隆海隨方辨折成出問表元慶六年為權律
師明年改權為正隆海患風疾心神疲累告門弟
子曰就命時至當修往生之業盥手漱口面向西
方觀念阿彌陀佛每修十念誦菴樹菩薩及羅什
三藏弥陀讚至于命終其聲不絕又每日沐浴如
此三日披閱无量壽經誦其要文命弟子掃地震
席回坐其上至於夜分安坐氣絕弟子等令北首
卧明朝見右手結无量壽如來印積薪焚身火滅

形碎唯印不爛卒時年七十二隆海綜敷經論章疏ハクイヲ撰ス二諦義一卷方言義一卷四諦義二卷

二智義二卷二空比量義二卷因明九句義二卷

廿四日辛丑夜有流星出從大陵以担傳余入

華蓋其色青 廿五日壬寅 天皇御紫宸殿觀

相撲親王公卿並侍所司供奉如常儀 廿六日

癸卯 天皇御紫宸殿觀相撲左右司進奏樂日

暮雜樂競作 廿七日甲辰 天皇御紫宸殿閱

覽左右相撲人等形體訖較量強弱召合令相撲

日暮右近衛府奏樂 廿九日丙午夜亥時紫宸

殿前有長人往還徘徊內豎傳照者見之惶怖失

神ミヤコ右近衛陣前燃炬者亦復得見ミヤコ其後左近衛邊

有知絞者之聲世謂之鬼絞也 八月丁未朔釋

奠如常祭禮畢太政大臣入廟拜文宣王敷公卿

大夫畢會令明經博士講論周易文章生等賦詩

如常 二日戊申明經博士率得業生學生等奉

奏內裏 天皇御紫宸殿引見博士等一令論

五經義賜祿有差 四日庚戌 勅令安房上總

本所作
家慶作
實義不
通今批
扶更略
記改

等國重發中不虞上先是安房國言上去又五月二十四

日夕有黑雲自南海群起其中現電光雷鳴地震

通夜不止ヨモスカ二十六日曉雷電風雨已時天色清朗

砂石粉土遍滿地上山野田園无所不降トク或所厚

二三寸或處僅蔽地稼苗草木皆悉凋枯馬牛食

粘粉草死斃甚多陰陽寮占云鬼氣衝靈念怒成

祟彼國可慎疫癘之患又國東南將有兵賊之乱

由是預令戒嚴以河内國大縣カク波河兩郡官由十

町八十六步給内記要劇料トク榎津國嶋上嶋下豐

嶋河邊武庫免原八部能勢八箇郡官由四十七

町一段百二十二步給主計寮要劇并番上粉山

城國乙訓愛宕紀伊三箇郡官由三十五町二段

百二十九步給勘解由使要劇并番上粉七日

癸丑自去クニ四日霖雨至此大風雨洪水分遣使者

於賀茂上下松尾稻荷貴布祢丹生河上六社奉

幣祈止雨告文曰天皇カ我詔旨止掛畏トク岐松尾

大明神乃廣前申賜トク申方今秋稼乃登トク或留時

奈大神乃厚護トク依トク天風雨乃灾不起トク五穀豐

三才實錄卷四十九

三十一

稔倍之上所念行須故是以正親司令史從八位

上齋部宿祢岑吉乎差使天禮代乃大幣帛乎令

捧持天奉出須此狀乎神奈可聞食天風雨之灾

防除給比五穀茂盛仁天下饒足之賜比天皇帝朝

廷乎室祚无動久常磐堅磐分夜守日守判護幸

奉賜倍恐美恐天申給止又申自餘社告文准此丹

生河上貴布祢二社加奉白馬各一疋九日乙

卯勅以雲林院安居講預元慶寺階業之例以

彼院為元慶寺別院也十二日戊午西京衛士

所居坊失火延燒百餘家十四日庚申任伊勢

齋内親王行禊次第司以從五位上守左少辨兼

行式部少輔藤原朝臣佐世為御前長官式部大

丞正六位上藤原朝臣興範為判官大錄正六位

上香山宿祢弘行為主典兵部少輔從五位下橘

朝臣茂行為御後長官大丞正六位上藤原朝臣

安柯為判官少錄正六位上山田宿祢方興為主

典於式部省除以中納言從三位兼行左衛門督

源朝臣能有參議正四位下行右衛門督藤原朝

臣諸葛參議正四位下行皇太后宮大夫兼播磨守藤原朝臣國經參議正四位下行左近衛中將兼近江權守藤原朝臣有實從四位上行左京大夫在原朝臣守平從四位上行右馬頭藤原朝臣門宗從四位上行左馬頭藤原朝臣利基左近衛少將正五位下兼守左中辨備前權介藤原朝臣有穗等八人為行禊陪從以正三位行中納言兼民部卿陸奧出羽按察使在原朝臣行平參議左大辨從四位上兼行勘解由長官文章博士橘朝臣廣相治部卿正四位下源朝臣本有散位從四位上源朝臣長猷等四人為送齋內親王使以中納言從三位藤原朝臣山蔭左近衛少將正五位下兼守左中辨行備前權介藤原朝臣有穗右大史正六位上惟宗朝臣安光中務少丞從六位上藤原朝臣高用等四人為長奉送使 十五日辛酉 天皇幸神泉苑觀魚木工寮獻物信濃國貢駒是日依例入京 帝有意閱覽臨幸此苑而有司懈怠遂不牽來 十六日壬戌 勅以丹後國

丹波竹野兩郡熟田百四十三町三段二百十六步荒田十二町七段七十步為後院田 十七日

癸亥 天皇御紫宸殿覽信濃國貢駒 十八日

甲子 天皇聖躰不豫太政大臣及諸公卿侍宿

殿上遣使者於近京諸寺修轉念功德 廿日丙

寅 勅以從四位上行兵部大輔四友王從四位

上行彈正大弼雅望王散位從四位上源朝臣載

有散位從四位下源朝臣有等四人為齋內親王

入伊勢太神宮前駟 廿七日癸酉大雨 廿九

日乙亥晦大袂於朱雀門前以齋內親王未月應

入伊勢太神宮也 九月丙子朔 三日戊寅停

御潔厲燒燈之事 四日巳卯辰時雷雨伊勢齋

內親王明日可修禳事大藏省預於葛野河邊裝

束建握不風不雨勿然破割就而見之為雷所震

裂也 詔授陸奧寺正五位下安倍朝臣清行從

四位下肥後守從五位上藤原朝臣是行正五位

下並引入仁壽殿東廂賜告身拜舞而出申時於

建禮門前修大袂以明日奉伊勢太神宮神寶使

可進發也干時雷電大雨人不獲往還諸衛警陣
 於殿前五日庚辰停齋內親王行禊之事以去
 二日中務省犬死穢未滿忌限也奉太神宮神寶
 使左大史正六位上善世宿祢有與史生二人官
 掌一人進發凡伊勢太神宮神寶二十年一度改
 作前修之後十九年干茲雖未滿限改造既畢仍
 奉之是日諸司廢務而神祇官不進解又責過狀

七日壬午齋內親王今日修禊葛野河九日擬

入太神宮內親王忽有月事然太政大臣堀河邊

第犬死觸穢之人參入內裏由是停不行 九日

甲申重陽之節 天皇御紫宸殿宴于群臣奏樂

賦詩如常賜綿谷有差 十一日丙戌奉伊勢太

神宮例幣之使是日可發去七日有犬斃穢因而

停止亦不廢務午刻地震自亥子有犬鈴聲當左

伏上鳴於空中寅時亦鳴焉 十二日丁亥為發

遣奉伊勢太神宮幣使 天皇欲御大極殿乘車

未出有以卷開畫所犬死於是太政大臣及諸公

卿議曰畫所者在宮門左右衛門陣之內若當

神事諸司有穢立札於衛門陣告知事由不聽出入為禁禁中也依此論之可謂禁中穢也仍不臨御即便遣中納言從三位藤原朝臣山陰於建春門前左衛門陣外召散位從五位下幸世王授告文令發行其告文取太政大臣里第紙召在承之

內記令書之在勾紙并內記居禁中凍穢故也

十七日壬辰肉裏犬死齋內親王今月十九日欲

後解除依穢而停公卿於左衛門陣召神祇官陰陽寮占定吉日更二十四日為期廿三日戊戌

詔齋內親王行禊改二十四日定二十五日

廿四日己亥辰時鷲集紫宸殿前版下廿五日

庚子 天皇御大極殿發遣伊勢齋內親王廿

七日壬寅賀茂神社邊有狼喫牧人行人相逢以

刃刺殺廿日乙巳奉送伊勢齋內親王使中納

言藤原朝臣山陰二十八日奏狀今日申時到來

備今日己時王輿出自近江國垂水頓宮酉時到

伊勢國鈴鹿頓宮戌時西垣之外一借屋火內親

王乘更衣滋野朝臣直子車出於頓宮即遣守藤

原朝臣繼陰看借近衛等救止不能撲滅西風羌
扇火勢甚熾遂及寢殿匣殿等延燒四屋以垣外
借屋為寢殿安置內親王召問寮司申云火發自
舍人長儀部豐滝宿舍也賜山陰手勅曰須過七
箇日入齋宮若有物煩不可過七日者解謝早可
入 冬十月丙午朔日有蝕之 二日丁未 天
皇御紫宸殿賜宴侍臣親王太政大臣及參議已
上並侍殿座六府奏番上簿於庭左右近衛府逆
奏音樂酣暢之後 勅命參議右衛門督藤原朝
臣諸葛彈和琴王公並作歌 天皇自歌宴樂畢

限以五日
日所帝
病平愈

景是日大學寮獲白龜一獻之 四日己酉 天
皇聖躬不豫分馳使者於近都諸寺修功德奉祈
乞 五日庚戌 帝病未損親王公卿皆侍亦於
諸寺轉經 六日辛亥 詔左右檢非違使免輕
罪繫囚二十二人 囑梵釋寺十禪師朗善奉加持
九日甲寅令陰陽寮於承明門前修祭祀攘邪
氣也 十一日丙辰延屈延曆寺座主圓珍於紫
宸殿修護摩法限以五日 祈 帝病平愈也 十

也三十
字叔未
略記云
限以五
簡日御
概乎無
了帝深
以感服
弗云公
有向希
乎和尚
云善提
之外无
所求之

三日戊午 勅无姓者其名清實賜姓滋水朝臣
貫右京一條先是二品行式部卿木康親王右大
臣從二位兼行左近衛大將源朝臣多參議正四
位下右兵衛督兼伊豫權守源朝臣冷叅議正四
位下左兵衛督源朝臣光等請闕上表曰清實依
身有過被削屬藉經歷十年天地不容日月不照
牽土之濱獨無所庇由是前日奏聞准貞朝臣登
之例可賜別姓之狀竟心有宥忠仁及善辛恩 詔
優容杆躍難測伏望被此姓許之登是 仁明天

白之子母三國氏也清實 今上皇太子母布勢氏
以過被削籍也 十四日己未令美濃國班給百
姓口分田 十九日甲子 勅以山城國乙訓紀
伊宇治郡官田三十二町五段二百二十七步和
氣國大鳥郡官田七町攝津國鳴上鳴下河邊武
庫荒原八部有馬郡官田五十二町八段三百十
一步賜典藥寮為月料田 廿五日庚午 天皇
御紫宸殿右近衛右衛門右兵衛等三府及右馬
寮獻物去五月六日歸在馬之輸物也親王公卿

三代實錄卷四十九

三十一

出居侍從皆侍殿座右近衛府奏音樂散樂雜伎莫不極盡賜祿各有差廿六日辛未電雷暮雨

廿七日壬申

勅以伊豫國正統穀千斛讚岐

國千斛充齊宮寮兼前之例齊內親王入太神宮之後以伊勢國正統穀三千斛資新居之費今迴換以充之廿九日甲戌正二位藤原朝臣多美

子薨右大臣贈正一位良相朝臣少女清和太

上天皇之女御也性安祥容色妍華以敏德見稱

貞觀五年冬授從四位下六年春正月朔日天皇

加元服此夕以選入後宮有專房之寵少頃為

女御是年秋進從三位九年加正三位元慶元年

授從二位七年至正二位德行甚高為中表所依

懷素天皇重之增寵異於他姬天皇入道之

日出家為尼潔齋勤修晏駕之後叔拾生前賜御

筆手書作紙以書寫法華經設太齋會恭敬供養

奉酬太上天皇不次恩德也即日受大乘戒闍

而聽者莫不感歎執發奄薨十一月丙子朔

天皇御紫宸殿中務省草陰陽寮官人曆博士等

十四日戊午行幸芥川野寅，二剋鸞駕出建礼
門到門前駐蹕，勅賜皇子源朝臣著上朱雀太皇帶
劔是日勅參議上上着摺布衫行騰別，勅皇
子源朝臣諱散位正五位下藤原朝臣時平二人
令着摺衫行騰焉辰，一剋至野口放鷹，鶴拂擊野
禽山城國司獻物并設酒禮飲獵徒日暮乘輿幸
左衛門佐從五位上藤原朝臣高經別墅奉進夕
膳高經獻物賜從行親主公卿侍從及山城國司
等祿各有美夜鸞輿還宮是日自朝至夕風雪驟
烈矣 十八日壬戌 詔授左衛門佐從五位

藤原朝臣高經正五位下以 帝幸其別墅故有
此加焉越中國新川郡擬大領正七位上伊藤志
臣真益以私物助官用代濟民濟公仍授借外從
五位下是日左大臣及參議正四位下源朝臣直
於左伏下定荷前使并元日大極殿侍從十一月
可行此事延而至今綏也蓋是經營行幸之事歟
十九日癸亥於仁壽殿始修佛名懺悔限三日
訖廿五日己巳行幸神泉苑觀魚放鷹隼令擊



水鳥自彼便幸北野從禽御右近衛府馬埽庭令
 馳走左右馬寮御馬是日常陸太守貞固親王
 扈從太政大臣奏言遊獵之儀宜看武備親主腰
 底既空請賜帶釵帝甚欽悅即勅聽帶釵取
 中納言兼左衛門督源朝臣能有釵令帶之日暮
 還宮
 廿六日庚午天皇御建禮門分遣使者
 於諸山陵墓獻荷前幣廿八日壬申授從五位
 下橋朝臣甲子從五位上令讚岐國諸郡大少領
 主政主帳正負之外每色各任權負一人是日公

卿於外記候廳毀罪人石見守從五位下上毛野
 朝臣氏永散位從七位下大石福麻呂等位記中
 務式部刑部等省丞錄從尊以藥師寺僧傳燈大
 法師位隆光興福寺僧傳燈大法師位豐忠並為
 權律師世日甲戌大祓追離如常

三代實錄卷第四十九

日本三代實錄卷第四十九

Faint vertical text columns, likely bleed-through from the reverse side of the page.

